



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 84. Guisius Dux obsidionem solvere coactus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

militiæ signis, qui omnes urbem in-
genti fortitudine tuebantur, cum ergo
Guifius magnam cladem acciperet, hinc
Caraffis, eoquod Gallos tam funesto
involvissent bello, vehementer indigna-
batur, ac de ipso etiam Pontifice cum
Montis-Belli Marchione adeo expoſtu-
labat, ut ex querelis in jurgia ambo
prolapſi poſt acerbas utrinque objurga-
tiones plurimum commoti diſcederent,
& quidem Antonius Caraffa, relicto in
caſtris Guifio Duce, veredariis equis
Romam contendit, ut negotium Car-
dinali Agnato ſuo communicaret, &
ambo rebus ſuis in tempore conſule-
rent, cum parum ſpei, ac præſidii ſibi
in Gallis eſſe reſoſitum cernerent.

Sæcul. XVI.
A.C. 1557.

§. LXXXIV.

*Guifius Dux obſidionem ſolvere
coactus.*

Paulo poſt Albæ Dux, cum Civitellam
obſideri intelligeret, cum viginti
quatuor millium exercitu protinus ac-
currit, promotisque caſtris propius urbi
accedit. Equidem Guifius Dux, ut
hoſtis adventum præverteret inceptam
obſidionem urgebat, ac turrim, quæ ex
arce diruta ſupererat, tandem dejecit,
& ſexaginta amplius paſſuum ruinam
muri fecit, hinc ad illam portam pro-
pugnaculis prominentibus omnino nu-
datam,

Thuan. 1. c.
Belcar. 1. 27.
Pallav. 1. 14.
c. 2. n. 2.

Sæcul. XVI.**A.C. 1557.**

datam, quamvis res summe ardua foret, impetum facere statuit; cum vero sibi persuaderet, quod hostes ab ea parte intra pomarium fossa ducta receptum parassent, hinc quingentos sclopetarios faccis grandioribus lana oppletis tectos præmittit, qui collis cacumen occuparent, ibique se opere tumultuario communirent, eo consilio, ut continuata sclopetorum per dies, noctesque displensione præsidiarios fatigaret, ac tandem ad deditorem compelleret: sed irritus fuit conatus; saxorum enim grandine, ac machinarum diro pondere, & insuper crebra tormentorum ejaculatione, tam strenue ab obsessis pugnabatur, ut & ipse Guisus, cum ex equo descenderet, vitæ discrimen subiret, nullaque arte Galli evincere poterant, ut in collis fastigium, cui hæc urbs imposita erat, evaderent: Cum ergo Guisus mediam exercitus sui partem jamjam amissam cerneret, tertia hebdomada exeunte Mense Majo obsidionem solvit, ut tamen nominis sui famam reparasse videretur, in quodam loco Firmum inter, & Ascolum sito Albæ Ducem præstolabatur, cum eo dimicaturus: cum autem Albanò fat notum esset, quod Gallorum exercitus ad incitas esset redactus, ejusque bellidux Guisus cum Marchione Monte-Bello

Bello dissensiones foveret, ac Caraffa Cardinalis cum Philippo II. reconciliari inciperet, hinc recedens praelii, cujus exitus adhuc dubius videbatur, discrimen subire haud consultum censuit.

Sæcul. XVI.
A.C. 1557.

§. LXXXV.

Florentiæ Ducis consilia de subigenda Senarum Republica.

Cum igitur Galli in Neapolis Regno sinistra jactarentur fortuna, Cosmas Florentiæ Dux Senas subigere moliebatur, cum ad hoc consilium strenue exequendum, opportunam admodum occasionem sibi offerri existimaret, eo quod Hispanorum res ad eam redactæ fuissent conditionem, ut Ducis auxilium vix non necessarium esset. Eapropter Cosmas Philippo II. hæc exponebat: „jam dudum belli pro te, tuoque Patre haud infeliciter gesti expensis succumbo, quin hucusque obsequii mei præmium acceperim, quinimo nequidem sumptus, quorum restitutio fuerat promissa, mihi fuere compensati: præterea non sine animi mei moerore intelligere cogor, in eo rem jam esse, quod Senensis ditio Caraffis cedatur, ut proin eosdem mihi vicinos haberem, quos tamen unice Hispanorum partibus accedendo mihi

*Pallav. hist.
Conc. Trid.
l. 14. c. 2.
num. 1.
Thu. l. 5.*